

別賦併序

序：近覽長門賦而贊其辭，惟歎運之相契。懷感中發乃作是賦。因邀而遭拒，拒卻如別，乃名「別賦」。

夫何澈月之馮風，倚樓而雜思兮？囑瓊詩以歌舞，酣觴卻內自虛？玄暝乎遠望稀星，飄然如躍娥宮。月閣清且寒寂，古賦鋪摛而無憑！念靡靡而意窮極，雁魚不可傳兮！何得佳人之芳息，赴命以央一宵兮？天浩浩而風疾，心若秋之凋兮。

夜獨寐而反側，還覆被而寒薄。夢半醉之曳曳，奢安眠卻難平。繞牀圍之三匝兮，臨鏡悲而自鬱。耐冷霜以度三更兮，天欲曙乃暫息。魂若散而浮逸，矇矓乎見廓影。伊人嬌而髮飄兮，薔薇芬以四溢。驟忽乎而消翳，憑欄處涕之縱橫兮。窈窕歌而復現，曦乍曝而鵲鳴。寤寐覺乎以惆悵，塞惘然於空房。

態憔悴而錯步施，欲抒悒而咽凝；登高臺以解憂，覽昔幕更傷兮！湖光翠且漣漪，鴛鴦戲於央兮！桂樹交拱以相紛，鷓鴣比而齊昂。禽木生以無情，尚得彼而相惜。何得佳人之倩笑，共娛美目之盼兮？舉袂嫋嫋而逍遙，步娉婷乎特立。萬靈尚配以伴兮，何獨變姝退而迷離？夜漫漫若無極，朝將旭卻如棄。

覓河鼓¹與織女兮，歷流年猶相依。遺女諾之鑿鑿，得明鑑以日昭。竊自悲非獨泣，懷懽愉亦從心。勞糝糠以共擔，赴褥榻²而長親。色衰馳卻慕愈，但緣達臆之靈犀。

註：1. 河鼓：牛郎星之別名。2. 褥榻：此處伸意為久病。